

Intervju: Gerhard Enver Šrombgens, viši zamjenik visokog predstavnika: "U bh. vladi i ministarstvo policije i sigurnosti"

Ukupno osam ministara plus premijer koji se ne rotira * Ukida se konsenzus za donošenje svih odluka

* Imamo rješenje sa kojim se mogu i hoće složiti sve stranke

Premijer koji se ne rotira i dvojica zamjenika koji će istovremeno biti i ministri, te osam ministarstava, među kojima je i ministarstvo unutrašnjih poslova, najsažetiji je rezultat razgovora o reformi Vijeca ministara.

Buduća vlada Bosne i Hercegovine imat će ministarstva za vanjske poslove, ekonomske odnose i vanjsku trgovinu, finansije i trezor, komunikacije i transport, civilne poslove, ljudska prava i izbjeglice, pravde te ministarstvo za unutrašnje poslove i sigurnost.

Pitanje konsenzusa

To je u razgovoru za "Dnevni avaz" izjavio viši zamjenik visokog predstavnika Gerhard Enver Šrombgens.

Dnevni Avaz: Šta je, osim nerotirajućeg premijera i ovih ministarstava, još dogovoreno?

Gerhard Enver Schroembgens: Dogovoren je i novi način donošenja odluka. Do sada je važio princip konsenzusa o svakom pitanju. To je usporavalo rad Vijeca ministara te je

dogovoreno da se o stvarima o kojima se raspravlja u parlamentu odlucuje vecinom, a da se o onom što ostaje odlucuje konsenzusom. U slucaju da konsenzus ne bude postignut, predsjedavajući ima određeni rok da se on postigne. Ako se to ne dogodi, onda se odlucuje prostom vecinom.

Takoder, Ministarstvo za evropske integracije prestaje da postoji. Umjesto njega formira se direktorij za evropske integracije pri uredu predsjedavajućeg.

Odluka o konstitutivnosti

Dnevni Avaz: Da li je razgovarano i o nacionalnom rasporedu ministarstava?

Gerhard Enver Schroembgens: Ne. O tome nije bilo rijeci. To koje ce nacionalnosti biti koji ministar stvar je koju ce riješiti stranke u medusobnom dogovoru, a Zakonom o Vijeću ministara osigurati ce se da se poštuje odluka o konstitutivnosti, te ce i narodi, ali i ostali, biti zastupljeni.

Dnevni Avaz: To znaci da se može očekivati i da na poziciji ministra dode i neko iz reda "ostalih"?

Gerhard Enver Schroembgens: Postavljeno je pravilo da se "ostali" predstave ili kroz neko od ministarskih položaja ili funkciju generalnog sekretara bh. vlade.

Dnevni Avaz: Imate li politicki konsenzus stranaka?

Gerhard Enver Schroembgens: Ne bih želio prejak naglašavati stvari, pa ni spominjati konsenzus. Neke partije mogle bi se uplašiti da su nam dale previše. Ono što mogu reci jeste da imamo rješenje sa kojim se mogu i hoće složiti sve stranke.

Dnevni Avaz: Kada očekujete uspostavu bh. vlade?

Gerhard Enver Schroembgens: Ne znam, ali očekujem da se to desi ubrzo i da se pri formiranju Vijeća ministara u potpunosti provede dogovor koji smo postigli jučer.

Dnevni Avaz: Šta je sa ministarstvom odbrane

Gerhard Enver Schroembgens: Da li će BiH imati ministarstvo odbrane ili ne, stvar je o kojoj se ovdašnji ljudi moraju dogovoriti. Mi smo otvoreni i za tu mogućnost. Dakle, odluka o tome je na izabranim političarima koje su izglasali bh. ljudi. Na primjer, za neke poslove moglo bi se koristiti i ministarstvo za unutrašnje poslove i sigurnost. No, radna grupa koja je radila na reformi Vijeća ministara nije riješila ovo veliko pitanje treba li ili ne uvoditi i ministarstvo odbrane.